

Тікелей инвестицияларды мемлекеттік қолдау туралы

Күшін жойған

Қазақстан Республикасының Заңы. 1997 жылғы 28 ақпандағы N 75 Күші жойылды - Қазақстан Республикасының 2003.01.08. N 373 Заңымен.

ЕСКЕРТУ. Мәтін бойынша сөздер ауыстырылды - Қазақстан Республикасының 1999.08.02. N 466 Заңымен .

1-тарау. Жалпы ережелер

1-бап. Осы Заңмен реттелетін қатынастар

Осы Заң Қазақстан Республикасында тікелей инвестицияларды мемлекеттік қолдау процесінде туындайтын қатынастарды реттейді.

2-бап. Негізгі ұғымдар

Осы Заңда мынадай ұғымдар пайдаланылады:

тікелей инвестициялар - Қазақстан Республикасының мемлекеттік кепілдіктерімен байланысты және Қазақстан Республикасына берілетін ресми техникалық көмектер немесе гранттар шеңберіне кіретін инвестицияларды қоспағанда, қазақстандық заңды тұлғаның негізгі құралдарына (негізгі капитал) инвестор жүзеге асыратын жұмсалымдардың барлық түрлері;

инвестициялық қызмет - инвестицияларды жүзеге асыру процесімен байланысты кәсіпкерлік қызмет;

инвестор - инвестициялық қызметті жүзеге асыратын жеке немесе заңды тұлғалар ;

Агенттік - Қазақстан Республикасының Инвестициялар жөніндегі мемлекеттік агенттігі;

келісім-шарт - Агенттік пен инвестор арасында жасалған шарт;

бекітілген инвестор - Агенттікпен келісім-шарт жасасқан инвестор;

экономиканың басым секторлары - Қазақстан Республикасы экономикасының экономикалық өркендеуі мен тиімділігін арттыру мақсатында инвестицияларды қарқынды тарту мен дамыту үшін осы Заңның 6-бабында белгіленген тәртіппен өзекті деп айқындалған салалар;

нақты гранттар - Қазақстан Республикасының инвесторға ақшалай емес нысанда меншік құқығымен берілетін мүлкі немесе мүліктік құқықтары;

преференциялар - Агенттіктің инвесторға беретін атаулы сипаттағы

а р т ы қ ш ы л ы қ т а р ы .

ЕСКЕРТУ. 2-бап өзгерді - Қазақстан Республикасының 1999.08.02. N 466
Заңымен .

3-бап. Қазақстан Республикасының тікелей инвестицияларды мемлекеттік қолдау туралы заңдары

1. Қазақстан Республикасының тікелей инвестицияларды мемлекеттік қолдау туралы заңдары Қазақстан Республикасының Конституциясына негізделеді, осы Заңның, өзге де нормативтік құқықтық актілердің нормаларынан тұрады.

2. Егер Қазақстан Республикасы бекіткен халықаралық шартта Қазақстан Республикасының тікелей инвестицияларды мемлекеттік қолдау туралы заңдарында көзделгеннен өзгеше ережелер белгіленген болса, онда халықаралық шарт ережелері қолданылады.

2-тарау. Тікелей инвестицияларды мемлекеттік қолдау

4-бап. Тікелей инвестицияларды мемлекеттік қолдаудың мазмұны

Тікелей инвестицияларды мемлекеттік қолдау мыналардан тұрады:
инвестициялық қызметті қамтамасыз етудің заңдық кепілдіктері;
жеңілдіктер мен преференциялар жүйесін белгілеу;
инвесторлардың алдында Қазақстан Республикасының атынан өкіл болуға уәкілеттік берілген бірден-бір мемлекеттік органның болуы;

Қазақстан Республикасы Үкіметінің халықаралық ұйымдармен жасасқан шарттарына және Қазақстан Республикасының тиісті нормативтік құқықтық актілеріне сәйкес саяси және реттеушілік тәуекелді жабуға кепілдіктер беру.

ЕСКЕРТУ. 4-бап толықтырылды - Қазақстан Республикасының 1999.08.02. N 466
Заңымен .

5-бап. Тікелей инвестицияларды мемлекеттік қолдаудың мақсаты мен міндеттері

1. Тікелей инвестицияларды мемлекеттік қолдаудың мақсаты экономиканың басым секторларында тауарлар өндіруді, жұмыс атқару мен қызмет көрсетуді, жеделдете дамытуды қамтамасыз ету үшін қолайлы инвестициялық ахуал жасау
б о л ы п т а б ы л а д ы .

2. Мақсатқа жету процесінде Қазақстан Республикасы мынадай міндеттерді
ш е ш е д і :

- 1) жаңа технологияларды, озық техника мен "ноу-хауды" енгізу;
- 2) ішкі рынокты жоғары сапалы тауарлармен және көрсетілетін қызметтермен
м о л ы қ т ы р у ;
- 3) отандық тауар өндірушілерді мемлекеттік қолдау және ынталандыру;

- 4) экспортқа бағдарланған және импортты алмастыратын өндірістерді дамыту ;
- 5) Қазақстан Республикасының шикізат ресурстарын ұтымды да кешенді п а й д а л а н у ;
- 6) менеджмент пен маркетингтің осы заманғы әдістерін енгізу;
- 7) жаңа жұмыс орындарын құру;
- 8) жергілікті кадрларды оқытып-үйретудің үздіксіз жүйесін енгізу, олардың біліктілік деңгейін арттыру;
- 9) өндірістің қарқындылығын қамтамасыз ету;
- 10) қоршаған табиғи ортаны жақсарту.

6-бап. Экономиканың басым секторлары

Тікелей инвестицияларды мемлекеттік қолдау экономиканың басым секторларында жүзеге асырылады, олардың тізбесін Қазақстан Республикасының Президенті бекітеді.

3-тарау. Инвестициялық жобаларды іске асыруға арналған ынталандыру шаралары

7-бап. Жеңілдіктер мен преференциялар жүйесі

1. Инвестициялық жобаны тиімді іске асыру үшін Агенттік мынадай жеңілдіктер мен преференцияларды бере алады:

- 1) мемлекеттік нақты гранттар;
- 2) келісім-шарт жасалған кезден бастап 5 жылға дейінгі мерзімге жер салығы мен мүлікке салынатын салық төлеуден босату;
салық салынатын табысты алған кезінен бастап 5 жылға дейінгі, бірақ келісім-шарт жасалған кезден бастап 8 жылдан аспайтын мерзімге табыс салығын төлеуден босату;

3) инвестициялық жобаны іске асыруға қажетті жабдықтар, шикізат пен материалдар импортын кеден бажынан толық немесе ішінара босату.

2. Салық жеңілдіктері негізгі құралдарға (негізгі капитал) салынған инвестициялардың көлеміне және экономиканың басым секторларына жататындығына байланысты беріледі.

3. Жеңілдіктер мен преференциялар жүйесі және оларды беру тәртібі туралы ережені Қазақстан Республикасының Президенті бекітеді.

ЕСКЕРТУ. 7-бап өзгерді - Қазақстан Республикасының 1999.08.02. N 466 Заңымен .

8-бап. Бекітілген инвесторлардың мүдделерін қорғау жөнінде Қазақстан Республикасы беретін кепілдіктер

Қазақстан Республикасы:

1) бекітілген инвестордың шаруашылық серіктестік жарғылық қорындағы үлесіне немесе акцияларына билік ету немесе шаруашылық серіктестіктің жарғылық қорындағы үлестік қатысуын немесе акцияларын сатудың нәтижесінде алынған капиталын, пайдасын немесе кірістерін, салық пен басқа да міндетті төлемдерін төлеу шартымен, еркін аудару құқығына шек қоймауға;

2) бекітілген инвестордың инвестициялық жобаға сәйкес Қазақстан Республикасының аумағында өндірген шикізаттың өткізілуін немесе тауарлардың сатылуын бақылайтын мемлекеттік монополиялар жасамауға;

3) бекітілген инвестордың инвестициялық жобаға сәйкес Қазақстан Республикасының аумағында өндірген шикізатын өткізу немесе тауарларын сату кезінде, Қазақстан Республикасының заң актілерінде айтылған жағдайларды қоспағанда, бағаны бақылау немесе реттеу шараларын қолданбауға;

4) бекітілген инвесторлардың Қазақстан Республикасының ұлттық валютасымен және шет мемлекеттердің валютасымен банк шоттарын ашуына және Қазақстан Республикасының ұлттық валютасын еркін айналыстағы валютаға және еркін айналыстағы валютаны инвестициялық қызметті жүзеге асыру үшін қажетті Қазақстан Республикасының ұлттық валютасына ауыстыруына кедергі келтірмеуге, сондай-ақ бекітілген инвесторларға қатысты валюталық реттеудің өзгедей шектеулерін енгізбеуге;

5) Қазақстан Республикасының заңдарына сәйкес инвесторларды қорғауға және олар шығаратын өнімнің бәсекелестік қабілетін арттыруға бағытталған кедендік реттеу шараларын жүзеге асыруға;

6) Қазақстан Республикасындағы инвесторлардың инвестицияларын, пайдаларын (кірістерін), дивидендтерін, құқықтары мен заңды мүдделерін Қазақстан Республикасының заңдарымен қорғауға;

7) мемлекеттік органдар мен лауазымды адамдардың инвесторларға, олардың өздеріне меншік құқығында тиесілі мүлкін басқаруды жүзеге асыруына, Қазақстан Республикасы заңдарының бұзылу реттерін қоспағанда, кедергі жасамауға кепілдік береді.

9-бап. Қазақстан Республикасының заңдарын өзгерістер мен толықтырулардан қорғау

Келісім-шартқа қол қойылған күннен кейін, Қазақстан Республикасының заңдарына келісім-шарттың бастапқы шарттарының одан әрі сақталуының мүмкін болмауына әкеп соқтыратын немесе оның экономикалық ережелерін елеулі өзгертуге әкеп соқтыратын өзгерістер мен толықтырулар енгізілген жағдайда, бекітілген инвестор мен Агенттік келісім-шартқа екі жақтың келісуімен өзгерістер немесе түзетулер енгізеді.

10-бап. Инвестициялық жобаларды іске асыруға байланысты қызметтегі жариялылық

Бекітілген жобаларды іске асыруға қатысты нормативтік құқықтық актілердің бәрін, Агенттікпен келісім-шарттар жасалған жобалар тізбесін жобаларға салынған сомаларды және құрылатын жұмыс орындарының санын Агенттік бұқаралық ақпарат құралдарында жариялайды.

4-тарау. Келісім-шарт жасасу және оны бұзудың шарттары мен тәртібі

11-бап. Жеңілдіктер мен преференциялар беру шарттары

1. Осы Заңда көзделген жеңілдіктер мен преференциялар инвесторға оның жобаны іске асыру жолындағы міндеттемелерінің орындалуы мен жауапкершілігінің сақталуын, инвесторда қаржылық, техникалық және ұйымдастырушылық мүмкіндіктер болуын растайтын тиісті құжаттар болған ретте жобаны іске асыру үшін беріледі.

2. Жеңілдіктер мен преференцияларды Агенттік инвестормен келісім-шарт жасасу жолымен береді.

12-бап. Келісім-шарт жасасу тәртібі

1. Экономиканың басым секторларында инвестициялық жобаны іске асыру үшін жеңілдіктер мен преференциялардың берілуіне инвестордың өтінімін Агенттік өзі бекіткен тәртіппен қабылдайды.

2. Агенттік өтінім түскен күннен бастап отыз күннен аспайтын мерзімде оның Қазақстан Республикасының тікелей инвестицияларды мемлекеттік қолдау туралы заңдарына сәйкестігіне сараптама жүргізеді. Сараптаманың нәтижелері бойынша қабылданған шешім туралы Агенттік инвесторға хабарлайды.

3. Оң шешім қабылданған ретте Агенттік инвестормен бірлесіп 60 күннен аспайтын мерзімде келісім-шарт әзірлейді. Мемлекеттік заттай гранттар және кеден бажы бойынша жеңілдіктер беру мақсатында Агенттік тиісті мемлекеттік органдармен және тәуелсіз сарапшылармен бірлесіп келісім-шартқа сараптама жүргізеді. Ерекше жағдайларда Агенттік келісім-шарт әзірлеу мерзімін ұзартуға хақылы, бірақ ол 60 күннен аспауға тиіс.

4. Қол қойылғаннан кейін келісім-шарт он бес күннің ішінде Агенттік белгілеген тәртіппен және шарттармен Агенттікте тіркеледі.

5. Агенттіктің инвестициялық өтінім мен келісім-шартқа сараптаманы ұйымдастыру және жүргізу жөніндегі шығындарын өтеу Агенттік белгілеген тәртіппен инвестордың есебінен жүзеге асырылады.

ЕСКЕРТУ. 12-бап өзгерді - Қазақстан Республикасының 1999.08.02. N 466 Заңымен .

13-бап. Агенттіктің келісім-шартты бұзу шарттары

1. Агенттік мынадай жағдайларда келісім-шартты бұзуы мүмкін:
- 1) бекітілген инвестор Агенттікке табыс еткен кез келген мәліметтерде бұрмалаушылық немесе елеулі фактілерді жасыру анықтауы;
 - 2) бекітілген инвестор өзінің міндеттемелерін атқармаған немесе келісім-шартта айтылған шарттарды сақтамауы;
 - 3) Қазақстан Республикасының заңдары бұзылуы.

2. Осы баптың 1-тармағында белгіленген негіздер бойынша келісім-шарт бұзылған ретте Қазақстан Республикасының Заңдарында және келісім-шарт шарттарында көзделген тиісті айыппұл жазалары қолданыла отырып, бекітілген инвестор шығындарды өтеу және салықтар мен келісім-шарт бойынша берілген жеңілдіктер мен гранттар салдарынан жасалған басқа да төлемдердің төленбеген бүкіл сомасын қайтаруға жауапты болады.

5-тарау. Тікелей инвестицияларды мемлекеттік қолдауды жүзеге асыруға уәкілетті мемлекеттік орган

14-бап. Уәкілетті мемлекеттік орган

1. Агенттік Қазақстан Республикасында тікелей инвестицияларды мемлекеттік қолдауды жүзеге асыруға уәкілетті бірден-бір мемлекеттік орган болып табылады.

2. <*>

3. <*>

4 . < * >

ЕСКЕРТУ. 14-баптан 2, 3, 4-тармақтары алып тасталды - Қазақстан Республикасының 1999.08.02. N 466 Заңымен .

15-бап. Агенттіктің негізгі қызметі

Агенттіктің негізгі қызметі мыналар болып табылады:

- 1) Қазақстан Республикасына тікелей инвестициялар тарту жөніндегі ж ұ м ы с т ы ұ й ы м д а с т ы р у ;
- 2) Қазақстан Республикасы мемлекеттік органдарының бекітілген инвесторлар жүзеге асыратын инвестициялық жобаларды іске асыру жөніндегі қ ы з м е т і н ү й л е с т і р у ;
- 3) әрбір инвестициялық жобаны іске асыру үшін қажетті құқықтар мен өкілеттіктер беретін барлық келісу және рұқсат ету құжаттарын, лицензияларды, визаларды және басқа да құжаттарды алуды қамтамасыз ету;
- 4) бекітілген инвесторларға Қазақстан Республикасында білікті қызметкерлерді, тауарлар мен көрсетілетін қызметтерді іздестіруде жәрдем к ө р с е т у ;
- 5) бекітілген инвесторлардың өздеріне алған міндеттемелерін атқаруына

бақылауды қоса алғанда, инвестициялық жобалардың іске асырылуына бақылауды жүзеге асыру.

16-бап. Агенттіктің өкілеттігі

Агенттіктің өз қызметін жүзеге асыру үшін:

1) инвесторлардан, орталық және жергілікті атқарушы органдардан барлық қажетті ақпаратты сұратуға және алуға;

2) келісім-шартқа сараптама жүргізу және оны әзірлеу үшін тиісті мемлекеттік органдардың мамандарын, Қазақстан Республикасы мен басқа мемлекеттердің жеке және заңды тұлғалары қатарынан кеңесшілер, консультанттар мен сарапшылар тартуға;

3) Қазақстан Республикасында жүзеге асырылатын инвестициялық жобаларға шет елдің қатысуын ынталандыру мақсатымен Қазақстан Республикасының орталық және жергілікті атқарушы органдары мен шетелдегі дипломатиялық миссиялары қызметін үйлестіруге;

4) келісім-шарттарды әзірлеуге және іске асыруға байланысты мәселелер жөнінде министрліктердің, мемлекеттік комитеттердің және өзге де орталық және жергілікті атқарушы органдардың міндетті орындауы үшін қаулылар шығаруға құқығы бар. Министрліктердің, мемлекеттік комитеттердің және өзге де орталық және жергілікті атқарушы органдардың инвестициялық қызметті шектеуге байланысты мәселелер жөніндегі актілері міндетті түрде Агенттікпен келісілуге тиіс.

6-тарау. Қорытынды ережелер

17-бап. Қолданылатын құқық және дауларды шешу

1. Егер келісім-шарт шарттарында немесе инвестормен жасалған өзге де келісімде тікелей өзгеше көзделмесе, Қазақстан Республикасының құқығы қолданылатын құқық болып табылады.

2. Келісім-шартты жасауға, орындауға, бұзуға, келісім-шарттың орындалуын бақылауға, ынталандыру шараларын беруге байланысты даулар, келісім-шартқа тікелей байланысты өзге де даулар мүмкіндігінше келіссөздер жолымен, оның ішінде сарапшыларды тарта отырып не келісім-шартта белгіленген рәсімдерді қоса алғанда, дауларды шешудің бұрын келісілген рәсімдеріне сәйкес шешіледі.

18-бап. Қорытынды ережелер

1. Осы Заң ол күшіне енгізілгеннен кейін пайда болған құқықтық қатынастарға қолданылады.

2. Осы Заң күшіне енгізілген кезде қолданылып жүрген Қазақстан Республикасының заңдары оған қайшы келмейтін бөлігінде қолданылады және ол күшіне енгізілген күннен бастап екі айдың ішінде оған сәйкес келтірілуге тиіс.

Президенті

Қазақстан Республикасының

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК